

鄞縣誌
(光緒)
一



ISBN 988-978-316-9



二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇〇元（全書共三百一冊）

新修縣志



序

吾鄉郡志肇於北宋景德大觀中一再修之而其書不傳其傳者自張州將乾道圖經始也鄞之有志肇於南宋其書亦不傳而其軼時見於他說明初修永樂大典檄取天下志乘以供採擇吾郡吾邑當時竝有專志送於祕閣然吾鄉惟郡志有傳本黃南山高隱學諸公皆嘗見之而縣志無聞焉文淵閣書目僅錄其名四五百年鄞之人鮮有稱之者

皇朝康熙中朱邑侯士傑創爲縣志越十餘年而聞徵君修之大概本朱志之舊然鄉人知有聞志亦不知朱志之爲先河也乾隆中錢詹事竹汀來修鄞志始變舊志之例備注所引以示有徵閱者震其名而未嘗卽原引之書窮其始末遂率以爲善本咸豐初周介園續之亦未能有所考定也

穆廟中興靈臺偃伯嘉與海內人士振起文教於是寰宇方州各
有事於纂述以仰副

天子右文之意而吾鄞人楊方伯憩棠乃出其橐中金以修邑乘
方伯旋卒屬其事於陳太守魚門同治戊辰戴侯幹庭設局校士
館余與陳君子相徐君同叔總之延聘才彥分任編校而受其成
於董君覺軒全書以錢志爲本採輯之疏者補之攷證之誤者辨
之而引用之舛者核正之條繫各卷不下千百事非好辯也以一
鄉之人修一鄉之書其見聞較確而論說亦較詳也東南兵燹故
家圖籍什失其五六而吾鄉紀載不至如杞宋之無徵此實宋元
以來薪火之傳承永永於勿替者也余以老耄猶得從諸君之後適
觀厥成蓋爲後之徵文考獻者幸焉而豈徒與錢氏論優絀哉書
成爲卷七十有五諸君以余一日之長忝主斯役相率請爲序乃

述其大略以弁諸簡端

光緒二年歲在丙子王正月縣人張恕序

序

郡邑有志所以紀往事而輔吏治也兵燹之餘百度更張人事得失之由水陸戰爭之蹟忠臣義士烈婦貞女赴難捐軀之始末登之記載無使泯滅尤守土之吏所不可緩也同治丁卯余自江山調署鄞縣是時粵寇初平創痍未復撫循振刷日無暇晷其明年將議修志聞縣人楊方伯憩棠鳳有是願臨歿以屬陳太守魚門質之信然乃於校士館設局纂修延張鐵峰陳子相徐柳泉三先生主其事禮聘才俊分任採錄余亦時過而問焉秋九月奉調錢塘卽聞志局移寓徐氏及徐先生歸道山而董君覺軒總編輯之任則志局又移月湖今歲丙子重蒞鄞任其書適告成修刻之費皆楊方伯之子子京部郎任之余幸得終始於是舉也惡可無言夫鄞爲四明附郭宋元以來未有專志著錄於諸家書目中明代

文淵閣始有鄞縣志四卷而其書亦不傳

國朝康熙初知縣事朱君暨府學教授沈君勗爲縣志未及刊行及國政君之書出體例猶未盡善乾隆間嘉定錢詹事修之而後文獻大著類論者猶或指其疏略迄於今八十餘年矣咸豐之初邑人周君介開續之亦未能有所更正況復重以金革之變人事歧出則夫補前哲之遺漏而示後世以考鏡之資豈易易哉是書爲類三十有九爲卷七十有五採用諸書至千六百餘種條目旣繁徵引尤博多歷年所始見成緒洋洋乎美哉可謂體大而思精者矣閱是書也撫疆域則恐耳目之難周睹戶賦則懼稽核之非易言水利則啟閉宜時考海防則烽候宜謹大事有紀而禍患之由可以戒名宦有傳而景仰之念可以興互市諸國有志而鎮撫之得失可以參考又況唐宋元明魁儒碩學後先輝映鄞固彬彬

禮樂之邦將欲挽民風端士習使之有盛而無衰有厚而無薄當必有其道矣凡我守吏卽是而求之興利去害察吏安民無一事之可或苟於以佐

聖天子隆平之治俾斯民安處衽席永無他患然後知志乘之輯其所係者爲甚大也而豈徒供邑人徵文考獻之助云爾哉
光緒二年十二月知縣事丹徒戴枚序

基鼎表圖

縣境圖

東至鎮海縣界三十五里

東南至奉化縣界十九里

北至鎮海縣界

磚橋鋪

東至鎮海縣界十四里

張家壩



西至慈谿縣界五十三里

十五里

西至慈谿縣界三十里

西南至紹興府餘姚縣界一百七十里



城池圖

